

**Vildana Bešlija**

Zastupnica u Skupštini Kantona Sarajevo  
Sarajevo, 26.03.2026. godine

**Uputiti:**

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r predsjedavajućem, g. Elvedin Okerić

**Dostaviti:**

Vlada Kantona Sarajevo

**PREDMET: Zastupnička inicijativa**

Poštovani, na osnovu člana 106. Poslovnika Skupštine Kantona Sarajevo („Službene novine Kantona Sarajevo“, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20 i 16/22), Vladi Kantona Sarajevo, odnosno nadležnim ministarstvima upućujem **inicijativu za unapređenje podrške osobama s epilepsijom u Kantonu Sarajevo**

Na osnovu uočenih potreba osoba koje žive s epilepsijom, kao i značaja pravovremene reakcije okoline, dostupne zdravstvene zaštite i smanjenja društvene stigme, u saradnji sa Centrom za epilepsiju, podnosimo inicijativu prema Vladi Kantona Sarajevo i nadležnim ministarstvima da, svako u okviru svojih nadležnosti, pokrenu sljedeće aktivnosti:

**1. Edukacija u odgojno-obrazovnim ustanovama**

Zadužuje se Ministarstvo za odgoj i obrazovanje KS da, u saradnji s Ministarstvom zdravstva KS i zdravstvenim ustanovama, pripremi i provede program edukacije nastavnika, odgajatelja i školskog osoblja o pravilnom postupanju u slučaju epileptičnog napada.

Program bi uključivao:

- osnovne informacije o epilepsiji
- protokole postupanja u hitnim situacijama
- smjernice o podršci djeci s epilepsijom i smanjenju stigmatizacije

**2. Kampanja za edukaciju javnosti o prvoj pomoći kod epileptičnog napada**

Pokretanje informativne kampanje od strane Ministarstva zdravstva KS u saradnji sa Zavodom za javno zdravstvo KS namijenjenu građanima o pravilnom pružanju prve pomoći osobama koje dožive epileptični napad.

Kampanja bi obuhvatila domove zdravlja, javne ustanove, sredstva javnog prijevoza i druge frekventne lokacije.

### **3. Analiza dostupnosti dijagnostike i specijalističkih pregleda**

Potrebno je da Ministarstvo zdravstva KS izvrši analizu:

- dostupnosti EEG dijagnostike
- dužine čekanja na neuropedijatrijske i neurološke preglede, te predloži mjere za unapređenje dostupnosti i smanjenje listi čekanja.

### **4. Psihosocijalna podrška oboljelima i porodicama**

U okviru psihosocijalne podrške, smatramo važnim da Ministarstvo zdravstva KS i Ministarstvo za rad, socijalnu politiku, raseljena lica i izbjeglice KS razmotre modele podrške osobama s epilepsijom i njihovim porodicama kroz savjetovališta, grupe podrške i saradnju s udruženjima pacijenata.

## **O B R A Z L O Ž E N J E :**

Epilepsija je jedno od najčešćih hroničnih neuroloških oboljenja, a neznanje i predrasude često dodatno otežavaju život oboljelih. Pravovremena i pravilna reakcija okoline može spriječiti povrede i komplikacije, dok adekvatna zdravstvena zaštita i podrška doprinose boljem kvalitetu života i punoj društvenoj uključenosti.

Zbog svega navedenog, smatramo neophodnim da se pristupi realizaciji navedenih aktivnosti.

S poštovanjem,

---

Vildana Bešlija  
**Predsjednica Kluba**  
**Naša stranka**

